

monachorum. Inde surgentes, destruxerunt castra hec, silicet (†):

 novissime castrum quod dicitur Rugomagnum, quod percussiones expectans, noluit ex
 pacto parere, credens forte post vulneratam causam remedium postulare. Verum-
 tamen possum ego veritati testimonium utique perhibere, quoniam cum florentini non
 possent ipsius castelli muros ascendere, et scale deficerent, fracte iam saxis; primus
 de se fecit scabellum, recipiens alium super renes, et sic de renibus in renes ascen-
 dentes, pervenerunt ad summum, resistentibus cum gladiis et securibus castellanis et
 ignem mixto sulphure proicentibus super eos. Evaserunt tamen ab igne, celo dante
 pluviam et immoderatam grandinem, carnem armis vacuum usque ad sanguinem la-
 cerantem. Superatum est tamen castrum, ab utraque parte pluribus interfectis, et in
 eodem sunt capti homines ducenti et ultra.

Eodem anno, cum capti non sine dampno gravi et personarum modica lesione,
 in carceribus sine otio quiescerent, venerunt marturienses, qui utriusque partis tunc
 videbantur amici, hortantes de concordia instantissime florentinos, et ostendentes
 lucrum quod homo consequetur ex eadem. Dicebant inter se curaturos ita quod pacem
 senenses montepulcianensibus dabunt, finem et concessionem de omnibus faciendo, et
 iura in Podio Bonizi competentia sibi concedent. Florentini vero, licet cognoscerent vias
 suas, credentes tamen utendo Podio Bonizi tanquam proprio, posse quiescere, martu-
 riensium acquievere consiliis, eosdem arbitros amicales faciendo. Quid multa? Expediit
 sub breviliquio transcurrere, cum sit labor in vanum, brevi tempore duratura [concordia].
 Igitur breviter dico pacem esse factam et concessionem predictam supradicta forma
 et divisionem comitatus utriusque civitatis certis finibus designatam, super podium
 quod dicitur Monsanese, pro memoria rei geste et maiori in firmitate invitatis, et pre-
 sentibus episcopis, abbatibus, pluribus religiosis, potestatibus Tuscie civitatum, co-
 mitibus, proceribus, nobilibus et ad maiorem firmitatem, teste Deo, per quem omnia
 observare iurarunt: sanctissimo Innocentio papa omnia feliciter confirmante.

Recuperavit enim Florentia ius suum, neminem iniuste ledendo. Oppidum vero
 Mortennanum (2) dictum, florentine iurisdictionis, Deum non timens, nec hominem re-
 verens, quasi iuxta sidera mansit, et parere dedignans, florentinum spernebat examen,
 iudex et executor existens. Florentini vero futuram infamiam quiescere potius optabant,
 quam illatam iniuriam, valde fessi, incipere vindicare. Cum autem permissione Dei, qui
 iniuriam illatam sibi quandoque per alios ulciscitur non rogatos; cum urbevetani
 mercatores cum bestiis et rebus aliis per districtum Florentie secure transirent; do-
 mini castelli predicti obviam venientes eisdem, ipsos de rebus omnibus expoliarent,
 in Dei et hominum contumeliam, et florentinorum iniuriam non modicam et gravamen:
 res ipsas, ac si pertinerent ad eos iure domini, distrahere posse credentes, et in suos
 usus ac si essent magnis laboribus acquisite, convertere. Urbevetani vero, ut provincie
 diuturni mores expostulant, cum fuissent in districtu Florentie, sibi restitui ablatas
 instantissime postulant. Dominans autem civitatis, cum nulla obstaret exceptio, litte-
 ras direxit dominis antedictis in hunc modum:

(1) Nel Ms. è lasciato bianco lo spazio di tre versi. Tra i castelli presi e disfatti dai Fioren-
 tini, nomina il Malavolti (Stor. di Siena, part. I, pag. 45) Valcortese, Torre a Castello, Campigliuola,
 Laticastelli, Castiglion Baroti, Monte S. Maria e Rapolano: di Rigomagno non parla.

(2) Castello degli Squarcialupi, posto presso Staggia, a 10 miglia da Siena.